



# Hoz es il Di internaziunal da la matematica



4  
3  
1  
2

# MARZ

text: Charina Josty, illustraziun: Yvonne Gienal,  
grafica: Theres Jäger, fotografia: Jörgen-Staus  
zambregid ha: Johanna Berthel  
© Lia Rumantscha

**KIDSFITSCH**  
Lia Rumantscha

 Schweizerische Eidgenossenschaft  
Confédération suisse  
Confederazione Svizzera  
Confederaziun svizra  
Uffiz federal da cultura UFC

# Il Di internaziunal da la matematica

In scoula imprendst, cha matematica es dombrar e far quints. Per exaimpel plus e minus. l'rom matematica imprendst eir a masürar e da plazzar o disegnar muostras, forsa perfin cun fuormas geometricas sco per exaimpel trianguls e quadrats. Matematica nu daja però be in scoula. Schi's guarda bain, lura as vezza dapertuot matematica. Vezzast in teis minchadi nomers, muostras e fuormas? Hai, quai es matematica. La matematica es importanta per nosssa vita. E perquai daja il Di internaziunal da la matematica. Quel daja pür daspö il 2020, cur cha las Naziuns Unidas han decis da far minch'on ün da quists dis. La matematica ans güda ad incleger il muond ed ella ans güda ad incleger robas. Illa tecnica as douvra la matematica per construir maschinas, sco per exaimpel computers, autos ed aviuns. Ma eir illa natüra as chatta matematica! Üna puscha da pin consista per exaimpel da spiralas –


spiralas sun üna muostra matematica. Ed eir süllas alas dals splerins daja bleras muostrinas chi sun fich regularas e matematicamaing exactas. Quia ün pêr exaimpels, ingio cha tü inscuntrast uschigliö amo la matematica:

Scha tü fast üna tuorta, stoust pasar las ingredienzas.

Scha tü mettast maisa, stoust stübgjar quants plats, quantas furchettas, quants curtels e quants sduns chi douvra.

Scha tü voust partir tia marena cun teis cumpogns, per exaimpel ün mail, stoust stübgjar in quantas parts cha tü til stoust tagliar.

Eir gös han suvent da chefar cun matematica. E culla matematica as poja giovar! Il motto dal Di da la matematica 2024 ha perquai eir nom «Nus giovain culla matematica!»







**Ponderescha:**  
**Che daja 1 jada?**  
**Che daja 2 jadas?**  
**Che daja 3/4/5/6/... /1000 jadas?**  
**Che daja 1 milliun jadas?**

# Gö da nomers

1

- 1 Disegna 10 quaderins cun mincha jada ün nomer tanter 1 e 10 sül catram.
- 2 Tschercha puschas da pin o crappa e metta in mincha quaderin la quantità correspundenta.

Scha tü fast il gö a chasa, poust tour büttels, cullas da vaider, maruns, vierchels da butiglias o oters pitschens ogets.



# S-chacla da quintar

2

Tü douvrast:

- üna trocla da zurplins gronda
- ün toc chartun

- perlinas da lain, crappella o oters pitschens ogets
- material per decorar la s-chacla



Uffizi federal da cultura UFC

Schweizerische Eidgenossenschaft  
Confédération suisse  
Confederazione Svizzera  
Confederaziun svizra



text: Chatriina Josty, illustraziun: Yvonne Giemel,  
grafica: Theres Jörgen, fotografia: Jörgen-Staubs  
zambregida har: Johanna Berthel  
© Lia Rumantscha

**KIDSFITSCH**  
Lia Rumantscha

- 1 Taglia our dad ün toc chartun üna pitschna trapartida chi'd es ün pa plü gronda co üna mezza vart cuorta da la s-chacla. Tacha la trapartida illa s-chacla, circa d'immez.
- 2 Decorescha la s-chacla tenor teis gust. Forsa pudessast decorar tia s-chacla cun teis nomer preferi? O hast ün'otra idea?

Uossa quinta:

- Metta tschinch perlinas illa s-chacla e tilla squassa.
- Driva la s-chacla fin cha la trapartida es da la vart chi muossa vers tai (suot).
- Prouva uossa da quintar: Quantas perlas vezzast? Scha tü hast miss tschinch perlinas illa s-chacla, quantas as rechattan da tshella vart da la trapartida?
- Hast gnü radschun? Scha bain, metta amo üna perla illa s-chacla. Fa quist pass infin chi vain fich greiv! Schi'd es massa greiv, piglia oura üna perlina e prouva mo üna jada.

1



2

